

續

耆

舊

續耆舊卷八十二

西村六子之一

周即墨斯盛字岷公一字鉄珊學者稱為證山先生知江都縣志
畏從子也長八尺面白晬吐音如鐘負才而狂嘗面折人過軒
豁呈露成順治辛丑進士時年二十有六意氣甚盛康熙己酉
知即墨縣甫七月為鎮將構禍論死獄中賦詩不輟事急嘆曰
即墨王先生殉國難甚奇予擬為文以吊之而竟不果當令吾
友曉山張又陶各為文章以成吾志其閒暇如此已而以赦得
免益徧走名山大川以昌其詩先生非罪去官其年力方壯世
謂其必復起乃竟不振潦倒客游而卒先生不輕許可人里中
推服宗正菴董曉山范香谷張即園周方人張又陶舒後村歆
人則洪秋士蜀人則先遷甫齊人則李渭清淮人則張力臣其

宗人則殷靖而生平最愛者則膠州王元竟之詩元竟名個崇正時以非罪死年三十有四其友人劉子羽為輯其太古園詩先生謂其有真氣得于獄中手抄細論之凡先生所喜之詩必為手抄其初之官時亦手抄即園詩一卷通示諸祖道者予觀元竟之詩殊不可意先生論尤墮入狂禪此文人年少一跌之後道力不能自持遂入鬼窟耳即園詩亦好為清疎而未成者以先生之高自持許不應遽為下拜是則阿私之癖也予微觀先生之底裡本出竟陵其後悔之雖痛自淘汰然膏肓之痼不可卒療故亦嘗自言竟陵不無佳處其傾倒于竟死于即園皆以此及先生晚年此造大洗夙疴使起九原而問之未必不以予言為然先生晚年之詩亦良無間然矣先生嘗言諸家所選明人詩無可意者因遍論定十五朝之詩自言將以前人之

性情引而證我之性情以我此陶鑄于前人之情性留以證諸天下後世之性情故名之曰詩證其書未成而卒先生詩間雕詩終丙子其丁丑至辛巳詩予從其日記中抄出補選入之

吾鄉桑海之交詩分二派非學王李則鍾譚泉堂亦初從王李入其後一變始以謝康樂刘文房為宗漸攻王李矣曉山諸公皆從鍾譚入然未嘗妄特晚年稍洗去竟陵之謬漸近韋柳先生則初從鍾譚晚年力求交境時亦聞入王李然別以鍾鍊出色予則謂二派佳處皆不可沒其習氣皆此當戒必欲以門戶之間把持其間此猶是殘明党人之習也

雜詩

清霜不為艸綠草無一痕誰知颯、日中有深、根元化本自然

春風非市恩嘆彼中宵雁無乃多煩冤

青天一何高舉手不得乘貯水招明月低頭縛其影孰謂一握中
而非清虛鏡紛紛未可探其道在深靜

讀吳起春秋九首

伍員

三世忠貞遭赤族貫弓夜向江頭哭乞食行逢市吏知入朝語警
公子因口夫有恨未能伸念身不復念君臣郢都未肆黃泉慘魚
腸先入先生腹勾吳祀樂一旦掃餌得驕君仇亦報逆施逆報總
及身血濺破楚門前草嗚呼蠲鏤實可悲怒潮淘亦何為地下
主僚若相見千年不必恨鴟夷

漁父

水深、蘆陰、鮑魚、麥飯向江邊、不愛執圭、愛百金、英雄未識漁

碎意江中日月知我心

擊棉女子

女子貞奇節不肯事庸愚擊棉三十年貞心抱屈、邂逅悲亡臣
跪進飯一盃一飯豈越礼辱世非其徒甘為亡臣死望報胡為乎
老嫗未知心恨金亦誠迂奈何弼新者全生而治吳

申包胥

復楚非仇吳復楚非党楚復楚非党秦復楚非党武宮中既班雲
地下亦受侮嘻、君臣聞大義如糞土痛哭秦王庭七日補千古
功成身不居天地諒辛苦

吳王夫差

色山竊禹書龍威兆喪國興亡會有時未盡闕敗德一念在復仇
夫椒山崩劣不被已降人豈曰非英特烏喙狼如羊柔心而恨直

遺恨在晉齊徒費此茶墨湯、三江上寂、無顏色咄哉元常孫
神威亦已息

留侯故里

山鬼未返沉疴壁臣斯屢刺登山石六王魂餒哭啾、朝門少年
肯欲裂振仇舊事深井聞破屋得逢滄海君沙中一掬開風雲十
日大索空紛紜橋邊老人怒孺子不見明年祖龍死英雄共合如
女子五世心事神仙止

贈冶書

沉湘蹈海事難追地北天南此子遺家在子真為卒雲人如張祿
入秦時眼中風雨千秋淚筆底山川千口瘡漫道前山應冬瘦傷
心久已薄王維

和題杏樹

以下晚年詩從他本抄入

不問東風意自幽疎枝亂蕊出牆頭桃花開後禁新雨芳草青時
約舊愁豈是相思分客夢若為獨立放吟眸清明寒食垂、過辛
苦啼鶯正未休

和寒食有懷

浮雲漠、草萋、欲換猶寒天影低已分身同沙際鶴不妨耳聽
柳邊鷗平郊春色疎烟斷雜樹鄉心落日迷白髮青山相對望飛
花何處度牆西

春日漫興和韻

不知花信幾番風又過輕寒三月中盡日孤懷惟寂、有時倦眼
自隴、兔絲是艸終難織榆莢為錢突未工至竟輸他双燕子豔
陽影裏舞春紅

短髮青春憶舊驚長天白日近高春游絲漫逐烟花氣老樹仍餘

八卷八
水雪容柳絮柳枝飄酒醺桃板枕葉伴歌鐘風流雲散絲何事落
拓江湖恨幾重

仰天隱几思南郭企脚支牀曉北窓綠水憇靈青箬笠紅塵推羨
碧油幢禽殺歷、迷淮海草色離、接甬江獨坐難穷千里目終
年消息鯉魚双

飛花作伴互追隨雲、都堪倒接籬其我周旋聊復尔用卿家法
且安之癡人古有名三絕觀物能令笑二奇身廿百年何計寄竹
林茅屋是前期

五十今纔悟昨非鷓鴣殺裏咲芳菲鴨頭波暖龜蟻長羊角風柔
野馬飛出岫白衣原交換窺窓明鏡自光輝空齋寂歷渾常事習
靜無須更掩扉

忤物何尝更著書怪他偃蹇賦枯魚閑情入世愁應減去眼逢春

興漸疎久識海鷗成至計誰言禪蟲是安居總然昨夜來微雨任
尔青、草滿除

紛然歧路蹶霜蹄射虎山前日又西種菜易教顏色老歌芝終覺
和穀低人間九折原難取天外三霄別有梯短後衣存無此用安
排茶灶泛回溪

淥水浪于蕉甲松青蒲翠荇共潏洄浮、麥隴鋪輕浪短、筠苞
出殷雷無賴啼鳥催夢斷多情舞蝶引愁來華陽庭院松風靜何
事紛華意未灰

狼籍天涯九日春幾回草、笑孤身已無文可驅窮鬼豈有才能
駐洛神楊柳搖青渾不定芭蕉抽綠未全白薜蘿門巷、橋曲晚
晚叢陰冷舊筠

紙窗竹榻皆無聞杜德機成示地文漫撥酒杯間問月偶因詩句

一
卷八
三
帳停雲眼中人老非徒我世外心知只數君書札不來春已莫江
河渺、沙流分

鳩婦鶯兒着意喧、般終不似家園消磨智慧會机息堆積情懷
厭夢煩罔兩恍然疑日景武夫何必辨瑤琨八公會看曾雲好碧
落遙、一髮痕

俯仰風塵祇自寬揮絃終自送瓦翰用無用雲成吾拙材不材間
興世安愛聽栗笛鳴矮屋懶隨屬玉下危灘辛夷開後宜行樂好
覓青錢寄杖端

詩餘

采桑子送春

舊巢双語殷勤語往日相思他日佳期都在喃、絮語時辛夷開
罷閒紅蕖道是將離無計留伊恰得殘紅補舊泥

菩薩蠻枕上

秋來真覺閑懷抱、月色新涼意早。人、意早于秋。吳霜久滿頭。今年懶更甚。只是間支枕。詩筆一、無成輸他。蛩語殺。

續耆舊卷八十三

南湖秋水社長之

南湖秋水之集張蓉嶼司其事其中遺民四人隱學柳堂
蟄菴即園也外此曰沈南郭延嗣曰趙鶴樵嗣賢龍菴湖
貲如園嗣萬曰沈念劬光瑞後輩則謝春草為霖恕齋為
憲華畦為衡朱靜軒洞柳堂子經松塢濠双水壑唱酬極盛
今惟念劬之詩失傳餘皆名列一卷

張靈寶瑤芝字次英一字蓉嶼文定公邦奇後也明經令靈寶以
愛不得于上官歎曰吾豈肯坐俟彈事投劾竟歸以居槎湖大
有平遠之趣其塾牖尤清勝靈寶詩秀色可餐李文泉堂最
喜之至謂其有康樂天然之妙則未免太過吾鄉詩派興浙西
殊別清容之士謂大畧學韓學蘇而不能至此是以盡肩上七

百年來詩品然雖不能至要自有雄健本色靈寶詩出一時靡然相從流弊至于薄劣矣此非靈寶之所以及料也

弔池貞女

白頭結髮最結心赤繩繫足不繫頸無定河邊白骨多那盡相隨
入骨并况復朱陳村安貧櫛中犹未侍良人縱教委體從他姓不
比娥眉再嫁身卓哉池女懷貞性羞說孤寡重撫鏡但知一股舊
荆釵便是百年同穴命萬里從軍去不回藻砧夢斷嫁衣灰願將
三尺青絲帶死結泉臺合卺杯父老兄愚難共訣鬼神亦解怜奇
節百折難回地下心游魂竟抱沙場血吁嗟路上紛、楊白花客
船幾度喚琵琶誰嫁異他鴛鴦塚移合尋常燕子家

困雨

天意真難問沉、只雨殺久藏纖月白不放遠峯明貧老方相逼

干戈復此生未堪舒倦眼思集亂雲爭

豆莢稱時雨黃梅亦舊天如何聞斷壑竟日瀉流泉六月無深暑
東郊有薄田愁聞農夫說兵火半山年

甲寅除夕

經年何事得詩白補空囊生計疎千算間年笑百忙送窮無不受
卜隱地無鄉且盡宵酒春來淑景長

輓周囊雲先生

商巖周嶽不可分錦衣細袖愁浮雲千山落木心同槁一片寒香
半自焚剩有霜顚存日月獨留水壺照斯文應知挈履西歸去猶
是麻鞋見舊君

昨夜

病餘腰瘦不勝裳影立蒼苔並鶴長昨夜雨崩牆半堵白鷗飛近

讀書床

曉起

月光帶曉猶能白
柏葉無霜亦漸紅
昨夜聞殺多在樹
却從何處覓秋風

秋園

秋葵嬌色勝霜瓦
高出墻頭映浣紗
顧影忍聞鄰女笑
淡黃衫子不如他

續耆舊卷八十四

南湖秋水社長之一

沈明經延嗣字斯沈一字南郭諸生泰淳子也沈氏自肩吾大力雄濶居然二祖之風為人有英氣善飲酒亦喜講求食經之法取其錢文寒灰朱文杯堂為長契先生初不敢出山其後以家難委蛇就試非其意然卒不得售晚以明經貢太學嘗自題其小影以為晉雲士為宋遺民而今已無取吾其泯君子哀此著詩甚多今亦僅寸知集二卷似非足本也

當國初時吾鄉故家岌岌不保門戶以有棄諸生已久而強應之者有司方事招來當其棄時本不落其籍及其出則安之然諸公此中之耿耿終未盡忘如其生之詩未嘗

不時一流露亦可見勝國養士之報而吾鄉風俗之厚矣
讀新安胡烈人傳

烈人年十七適畢生時生已病殊無伉儷情烈人侍湯藥
衣不解帶者三載不痊磨股潛進生知之泣訣曰恨不早
知及卒絕粒以殉親党聞而異之私謚曰烈人有傳

豫讓相智伯臧激深國士倘以衆人遇未必輕一死丈夫見犹然
何況兒女子綠珠悼石郎竊娘殉喬氏念及生平欲死固其死尔
矯、胡烈婦此聞特異是畢生性凝重未嘗昵床第于歸隨寢疾
三載臥異被若以婦情言幾等行路矣烈人獨篤情調衛劉崇殷
賢療無可施磨股復起冀畢生殊驚悼不意其若此以臨終云
恨不早知汝豈知至性人損施非此擬頑父有申奇暴君有龍比
一往情自深謂曰吾知无絕粒以從君不死不能已秦嘉與封卓

兩婦差相似黃鵠何足歌柏舟何足矢含咲地下鯨沆儼從此始
讀漢高紀

漢高名大度一嫂不能容轅益何足憾乃以羹頡封嫂應前致詞
吾羹非楚羹釜中無若翁何物供大烹若翁俎上時舍身充肉臠
君欲分一杯不顧鼎火惡此時幸而免今日祢太工若使糜作羹
久從君腸募頡羹幾失侯分羹乃得皇吾寧不侯耳不敢啗沸湯
楊子初當座而嘆奉酒慰之

楊子美髯雄懷抱一箸三嘆何草、知君先意鳴不平我祢停杯
為君道君今年已四十餘去日苦多來日少及時行樂秉燭游不
過三四十年好對酒宜咲還咨嗟酒醒愁長倩誰婦蘆花白蓼花
紅枯荷戛、搖秋風頃時故壘巢春燕今日空濤、下暮鴻我且
歌君且醉夜長霜重戍樓寒漏禁一殺胡角碎

溇池行

恆陽城南溇沱河、流汨、盤深渦西崖迫來相湧、感晴日無風
自作波西山春月時雨瀉水溢橫衝溇城下有時崩決轟若雷亂
捲泥沙漂廬舍我來八月秋水高策馬欲渡河無橋行船傍岸流
正急馬嘶近河不敢驕白水真人苦何故忽報水堅河可渡、未
及半水已開兵追失却王郎路王郎亦奇尔本長者卜者兒僕
人思漢不思尔、乃称王称帝雄視溇沱湄吁嗟溇沱之濁亦何
為至今猶呈水流漸不見君臣倉卒意道旁麥飢飯朝、暮、填
客飢

早起

樓居巢鳥近未醒語間閔湖氣浸朝旭春報徧四山客行衝霧起
磴滑引藤板欲認來時路但看雲徑還

出郭

江翠舒遠眺漸漸夕陽低訪寺鐘聲北逢僧拓影西寒閨調月杵
野戍咽霜聲歌枕渾無寐城頭烏夜啼

維揚陸右臣別來十載丁巳秋杪晤于長安邸舍撫今感昔
情見乎詞

十載縈離夢相逢淚滿襟髮鬢渾改昔面目到如今話舊半存沒
論交嘆淺深勞游子意試聽越報吟

對菊有懷董天鑑徐蒼郊

籬菊參差繞砌開淡香寒韻豈徘徊臨風忽憶人千里此日誰同
酒一盃園為稀鋤窺幾度榻知卜夜下方回相思獨上南樓望愁
見黃雲高鳥來

續耆舊卷八十五

國初諸紳詩

范吏部光文字潞公一字角慈兵部郎欽之曾孫順治己丑進士
累官儀部選部二曹主試陝中侍郎天一閣藏書甲于浙東吏
部姊婿則董徵君天鑑妹婿則林評事用圭皆詞家宿老閨中
唱和最多同里董文和母妻子四人以沒入旂下行乞途中吏
部適空乏貸賞贖之歸空其好義如此然頗以勁直不得于大
寮罷官歸徜徉湖曲國初荐紳推為耆宿

帝京景物畧以吏部簾為名勝考簾起自元厯後根如聯
斗傲然霜雪中有硯記之厯諸名流詩賦成帙今簾茂踰
昔朝焉夕焉乃賡載歌就止諸堂長窈附盛事焉云

吏部有簾以名却同樹者神俱清不屑繁華闢芳園如記何有

椿長榮綠展枝、凝掌露天矯骨幹龍蛇掌莫咲天年等散木匠
石不顧巢龜雁樹者之意亦偶爾久之弗翦棠陰成際今已成千
甲子愛樹尤見當年情當年遺跡兩見樹今日典謨皆國禎浩、
無言庇桃李化兩時過清風盈重門洞開恢大厦無乃交蔭通寰
瀛藤花值今若再樹不樹亦樹惟先生未敢竹林酣啟事聊作梅
花駐廣平感茲微物能自樹願叩喬幹振芳報

卯冬遇晉守平陽使者王太公邀給諫趙韞退同碩子館談
及平泉勝不戒輒往見泉六派合流亭汪之下奔報清影豁
耳澄心亭之北為姑射神宇後廡一女像幽麗特異問為元
代此肖釵鬟盤髻內家装束以手承腮引望如思不鮮何氏
此出綽約如雲子是耶非耶因和趙韻

久羨平泉路其如迢遞何端驚雷響疊山悅鳥報多似玉何年給

為雲此夕過溪亭容可宿撫枕聽笙歌

續耆舊卷八十六

國初諸紳詩

胡醵使文學字道南一字覺老本徽州休寧人其父遷寧醵使少
貧力學嘗竟日不得米烹園瓜食之醵使盡分飽家人而枵腹
赴館然能以肝胆得朋友戊子李文采堂父子被難莫敢過其
門者醵使排闥入見其太安人請前往探獄事時衣盛寒醵使
僅衣一褐輕舟冒凍渡江聞者義之嘗遭橫逆見者代為不堪
使笑曰韓侯龍胯婁公忍唾非吾師耶人乃共嘆其量為不可
及成順治壬辰進士授真定推官能雪冤獄升陞逆党嘯聚為
亂事伏誅株連甚多人情如炭、不安醵使聞其偽牒遂以釋
然西山巨寇高鼎晉繹二十年積患也醵使請無用兵以恩撫
之鼎率其衆盡降畿輔遂定擢為監察御史出按西淮鹽漕疏

請革行充令緩征倒進商因得甦而國課反裕捐俸置安定書院昌明文昭之學置山長焉詔以四品京卿用休沐歸里康熙辛亥再召以四品祿掌河南道及濟上病作時已推陞太僕少卿未上遽歸里居四年而卒釐使爲子友誼既歸徽寧之兄弟皆仗以得贍待鄉里有恩張河內起宗少貧甚釐使以噀拂也餘姚邵孝子古倫欲贖其母釐使聞之即畀以金果堂集角上者舊詩釐使爲之開雕甲辰七月冰槎之難浙帥欲搜其篋中此有還往手跡按捕且與大獄幾盡殺諸遺釐使緩頰散之其功尤大鄧孝威稱其詩空微雋永令人神遠蓋釐使少游砌里前其戒菴昭武果堂三君契得其詩法及貴有作皆靈已求三君論定然後出以示人雖篇什不多然非漫成者雅工艷體則又孝威此未及見也姬人洪氏亦能詩子德邁別有傳

賀祠雙柏

我讀漢史仰高風，知止獨有疏仲翁。都門供帳傳千載，誰其繼者唐賀公。蘭陵舊有二疏宅，欲溯高風不可即。何幸生同賀公，里鑑湖一曲，沾遺澤。一區新築近湖祠，雪汀烟嶼共漣漪。雙魚酒熟誰共飲，為向祠前款駟之。祠中柏樹山中鮮，一樹奇離一樹偃。屢經冰雪，西湖深曾閱蓬萊。幾回淺四宜樓外，水雲飛儼然雙鶴髮。稀柯如青銅，榦如鉄。斯人爽氣以因依，我游樹下躊躇久不覺。柳生吾左肘，此時泰山廟中物。何時得為秘監有。

渡楊子

數世中流落，照低憑空萬里落。紅霓淮淝岩壑寒，烟積吳楚汀洲遠。樹齊山色已青，三月草鐘報不斷。六朝堤隔江猶望，隋宮柳花發平岡鶯亂啼。

中途告病停兵濟上望闕志感

一身許國謝孤蒲回望春明夢有無
聖主恩猶念犬馬微臣歸不
為鱸魚雲生御苑星河浦月冷荒
蓬泰岱孤遙望齊州烟九點瓊
臺金闕轉模糊

同李杲堂選看舊詩期錄遺軼頗極搜訪因次杲堂

誰向生前識子期要從隔世叙相思
愛奇更負驚人句嗜古偏尋
走甕詞餐塏飽魚真可惜鏤金題
玉轉無奇皆賢留得靈光在踏
斷荒崖獨办時

無題

兒家豈寵尚胎含新上松繁碧玉簪
燕尾喜聞植侍女鹿蔥羞指
帶宜男微霞落屬香生暈小眉分
眉秀若藍曾約踏青郊外去寫
鞋窄、力難堪

散髻妝成出戶時。柔風薄袖適相宜。單舟愛渡名桃葉。小巷憐歌字竹枝。香心蓮蘆氏女艷。酬結柳李郎詞玉。顏愁共花同壽。擬築天邊步影祠。

八字遙怜四子贖。香魂生少自多嗔。此中訝石呼新婦。天上憎虹。學美人罵烏半。痴新繹袖愁花千瓣。墮香茵生來雅得嬌。為骨不是劉郎如女津。

戲為白蓮花艷体

招商前夜發冰阿。太液池傾照素波。人靜乍曾鳴玉佩。夜涼如欲上銀河。淩風自向花中舞。吐氣齊為水畔歌。若把六宮顏色比。美人猶是帶微酡。

素娥一飲即堪怜。莫共琳池更聞妍。鳳燭照來光澹、蛟簾開裏影嫺、自餐月露堪遺世。但羞瓊綃便欲仙。不是香肌真勝雪。施

朱拂黛也嫣然

浙督劉公受降海上銳歌

揚天鼙鼓振三江卽孫鄞州作受降帳下初趨新屬國軍中齊擁
碧油幢

督府新開節制尊朱旂獵、捲營門漸看外國梯航日寶甲金力
少血痕

胡太恭人洪氏名元志歆人也歸于睦使爲繼室是生京兆德邁
此著有世德州堂

深秋病起寄懋邁兒并謝諸親友饋問

匡床強起勉加餐積緒千端未一寬九月涼風吹短髮三年游宦
憶長安病餘影共黃花瘦人老衣裝白紵寒差喜園亭饒勝事桂

枝香馥出雕欄

時勞餽問感周親漫捲疎簾為辟塵
齋閣清嚴鶻誦佛門庭蕭寂
鶴迎賓看花滿眼原如霧拂鏡盈頭
早似銀寄語西清勤供奉
名無過是安貧

暮春喜御符偕山輝大師見過聞往南海進香歸舟贈別

江東樹入暮雲平太白祗林共學情
昔為朔風吹作別符至天重
過舍五載今從春雨咲相迎
五年夢隔青山影一棹人過黃鶴
是法門多勝侶偕來相與說無生

來從此處欲忘家海水兼程不覺賒
菩薩頂高先見日達摩峰矗
向難霞綠楊枝洒潮靨露紫竹林
開茗影斜短棹同歸微浪穩
蓮如泛滿洋花

昔年曾悔失淹留此別何堪又買舟
海月易隨幾夜往江風難阻

一帆收殘春
花落孤村寂
初夏人歸小
院幽此許寸
心無遠近吳
山雲接越山頭

舟出西閩

遠道從茲始
扁舟辭故鄉
鶯啼帆外樹
花出路旁牆
春色雖佳麗
離思正渺茫
若非懷祖德
何事向遐方

續耆舊卷八十七

國初諸荐紳詩之一

史侍郎大成字及超號立菴史氏于吾鄉為四姓首而有明三百
年不登華要內不過曹郎外不過知府至順治乙未公以狀頭
起吾鄉于有明賜進士者獨少狀頭以公直接正肅公後公為
人和平敦厚不激不能淵淳岳峙凝然自重以修撰在講筵啟
沃剴切戊戌其父思之因繪已容寄公亦令公繪已容寄父公
聞命驚怵辰夕不安而故事京察六年俸滿始得假歸公僅四
載不合例乃抗疏自陳曰思子不見思見子之儀容乎子不來
頻呼子之姓氏臣而忍之此不可以為人子亦何以為人臣
世祖覽奏惻然特許歸養方疏未上時公早朝在宮門旁皇從
倚忽假寐夢有人告曰日行矣終無濟也公驚悟失魂魄及中途

而凶聞至是疏上之次日父已卒論者謂其誠以感而公以是病不欲生哀毀成疾久之遂以養母家居母卒入京累遷礼部侍郎翰林學士同官議裁孝子節婦廩給公曰是殆謂子自為其父婦自為其夫何異于朝廷而廩給之然其為子不孝為婦失節亦何異于朝廷而必治之議者媿屈尋以足疾還歸惜未竟其用也卒年六十有二公與同里周容戎駁穀最厚已亥城東大乱容方遠遊公正里居所以恤其家者備至駁穀卒于京公為之殮其詩請醇雅重亦如其人史氏詩派溯自鄧峯真隱而友林風格最高能嗣蕭東夫之鑣蒙卿亦請逸泉堂前輩皆失載之至有明三百年八行後人殊少以詩名者直至公振起之

仲春侍從南苑大蒐賜宴應制

皇國當脫創聖主正垂衣歲閱羣觀祀春田不合園角多隨月滿
松矢帶星飛侍從長楊晚還歌湛露歸

冬夜不寐

漏殺點到孤帷冷雲偏能次第思千載炎涼人面在平生功過
寸心知竹燼已盡奚童睡灯火將殘黠鼠窺月白霜寒愁未了雞
鳴又喚早朝

亂後寄慰茂山

亂餘多嘆息翻為尔軒然辛苦青癯盡艱危白髮全故人分半菽
游子情蒼天消息知曾到歸期莫屢還

贈丁仲眉

訂交將千載命意已千秋誼重卓前筌忘海上鷗世情難蜀道
吾輩自靈舟長憶錢唐濟同登百尺樓

憑張又陶瓦蘭

野棘雖盈路幽香自在山乘君一日興采得幾筐還點綴光蓬萊
誅鋤淨草營孤芳誰自共吾意正疎頑

和洪暉吉元夜微月觀軍中烟火之作

倘是天心未太平沉、雨後放新晴不因乱世星橋寂為有將軍
羯鼓鳴驚敵一時運北極馬跡此夜滿春城還愁風鶴人驚慣誤
看東方燧火明

戲題周程齋新築

星洲堂墅輞川一花一石生雲烟薄言留我青精飯何以報之
白雲篇大將旌旂六月出縣官簿書半夜眠誰是先生容膝地南
窓寄傲如神仙

續耆舊卷八十八

國初諸紳詩之一

洪程鄉國光字輝吉一字梅榘順治戊戌進士知程鄉縣少異史
侍郎立菴齊名而立菴嚴事之吾鄉東西城皆有樂戶其婦多
奔走大家為媒氏此謂墮氏者也程鄉見有首面者雖通途中
亦呼而狎之時人比之屠長卿顧厄于科名嘗搥解頭又嘗搥
省元又嘗搥狀頭皆僥得悅失之及其作會時粵中尚未盡靖
折節撫循疲民大有經畧乃知其非徒放誕者流也而以註誤
去官立菴為言于朝得召命然卒不見用其詩予僅見其雕本
五卷其藏稿尚四倍之而散佚者多亦僅見三卷以故古詩終
少為嘆息者久之

粵女

新髮方覆額 河邊學汲水 春風吹綠蘋 水鳥飛共止 舉頭如有思
低頭思未已 但見水中花 昨日樹頭紫

村婦

生長為粵女 妾命實不犹 負薪兼耕田 而無風雨休 耕田失秋寔
負薪采蕨薇 兒女皆啼飢 牽衣泪成血 聞道江南春 珠簾映美人
凝妝何計思 陌頭楊柳新

春日登城

自到梅州及一載 不識梅山真 梅溪山雲溪雲春 自好百花洲邊
芳艸萋 城南登眺心遲遲 村烟寂寞何所思 人應亂後淹新鬼 花
為春前幾舊枝 夜、城頭灯火徹 城外烽烟吹更急 飢寒未去盜
賊去 雞犬無報野婦泣 自怜無策起民生 溪山待我徒有情 何時
携却新春酒 坐看雲中桑柘榮

秋夜史立菴施天石過飲兼懷北上諸子

昨日新秋至携尊近北城坐來風正好飲到月初生蟋蟀參人語
梧桐領雨殺有懷同悵望烽火一江程

立菴書至

憶友羊城歸故鄉百壺曾漏代稱觴忽傳投札人千里未及開緘
泪數行鼎有餘羹君可慰恩慚分俸我傷兼思慈母生無恙此
罪應同天地長

續耆舊卷八十九

國初諸紳詩十四人

范兗州光遇字會齋以順治己丑進士守兗州

登天封浮圖次林殿賜太常韻四首之二

梯雲直上恣凭欄
滿眼丹青繪筆端
松嶺綠蘿欣有託
楓林紅葉幸無殘
東臨杲日扶桑煖
西拂鸞殿若木寒
試看犂尾天外去
靈教始可與談寬

振衣絕頂大羅分
坐愛朝霞列夕曛
鈴鐸風宣八氣疏
琉璃映月梁三墳
天翔雁翅迴光影
地湧蓮峯隔時紛
留連景光焉得遠
還斯此外共眠雲

方孝廉搏字鵬九前崇禎己卯舉人也

會葬葉耐可先生用徐太僕心亭韻

一望平田浸晚霞衣冠猶是石人加
源清洞口名長在玉駐洋前
夢已賒駿骨獨能歸馬鬣
鵲魂何處泣龍沙那堪回首新亭汨江
北江南總落花

范布政廷元字調垣順治己丑進士由掌司經局洗馬出督江蘇
糧儲道累官廣東布政使左遷江安朴諸道布政友愛其良田
幾百頃念古人大功同財之義其從弟檢討廷魁中分之卒
于江安

輓前通守喬還一

閉關常讀真儒傳道德文章惜鉅宗若許閣前容白鹿還從柱下
謁猶龍松窓聽雨蒼崖古藥圃攤書塾典濃高蹈共應大谷久
雲何事倚芙蓉

黃儀部象雍字靜涵順治己丑進士授行人使晉儀部
即侍父脩栢色養第姪四十餘人皆同爨不分尔我儀部善填
詞有屠長卿風

辛丑閏七夕次韵

蓼莪廢後已無詩良令驚看大火移蟾影半窺金鑿落蛩吟偏引
玉參差河橋路合星橋近雲漢秋愁五夜癡分手莫須悲此夕秋
來會得兩佳期

陳棲霞治官字茗水以順治壬辰進士知棲霞縣

登天封浮圖次林殿賜太常韻

大海波迴擁白沙赤城雄鎮勝偏加千村烟火時聞拆一樹頻婆
示放花玉女峯頭餐露武夷洞口煮流霞諸公欲眺蓬萊事倚
徧危欄景物賒

張刑部翼字燕及順治壬辰進士知肥鄉縣有惠政入為刑部郎
中丁艱歸卒子九英揆天三才別有傳

徐博士上扶字鵬九順治壬辰進士

邵司務仲涉字子猷以順治乙未進士官刑部最有厚德萬季歷
纂府誌列之于醇德傳可以想見其人

贈孝子范驚白

階樹偃高堂豈許風搖葉底黃剩有斑衣留溺器故將藥匕

引瑤觴事遺湘史輕三管經授曾家別一
甘苦此心人未識于
今不數蔓瓜香

范檢討廷魁字珠岩兗州光遇子也順治乙未進士官檢討國初
縉紳范氏父子兄弟最盛

贈孝子范驚百

人子以孝名初非子之幸恃此茹荼心望以延蔗景不謂邀天知
果尔遂我請芳馨滿室臣謹冲乃自警

范萬載廷鳳字伯威以順治乙未進士知萬載縣吾鄉和州府君
女孫壻也

李推官燧升字日生一字心蓮順治乙未進士福建漳州府推官
有心叢集

兩淋鈴

雨淋鈴振絕經千騎懸崖濕鋒旌空中考擊和車鈴深閨簾落誰
窺燕蜀道天低不漏星雨淋鈴絕復續彈箏弄笛音犹但云何不
見人如玉霓裳夜冷露无香殘閣畫陰風送曲

紀丁亥飢

寧何以飢旱傷穀夏秋不雨厯年六兵翔江上索宿糧荷戈得飽
荷鋤哭為壇而禱帝罔聞浚膏以供更多欲市息區釜家息極千
錢不且易斗粟昔年貧兒今年貧兒今無存今之乞者皆富族棄
子道旁忍弗哀少年乞將少妻鬻謂他人父死猶呼嫁郎貧終
見逐我生觀此我心疼日步田間看苗綠爾華爾秀秋共登億萬
斯民惟尔育自愧無能上鄭園西成跪向彼蒼祝

送賢升第初入武林

湖山處、我皆題報我心殷問小奚青碧或移晴雨色高深未改

古今蹊春當吳地三分早天落錢江一望低騷路乍逢年少客揚
鞭莫受雨風淒

金長汀良字澹布以順治戊戌進士知長汀縣

高推官斗堦字六平順治戊戌進士福州府推官都御史斗樞族
弟也

續耆舊卷九十

國初諸紳詩十三人

錢江寧肅凱字步元一字湛水順治戊戌進士官江南寧國府推官以己亥海師後讞獄失出諭死

臨終口號

心是主人身是舟、橫浪緊使人愁而今登岸舟遺却明月清風任意游

屠尚書粹忠字純甫又字芝岩順治戊戌進士官至兵部尚書

黃威遠道知字觀能王太常水功壻順治辛丑進士知威遠縣

追送房師嘉禾令尹明廷公于吳門出留別五章見示次韻

奉和錄二首

百千父老擁行舟夾道扳轅孰可求樂土今將歌碩鼠閒情公自狎
栖鷗心傾共見丹葵日人淡還如黃菊秋
天聽惟民當簡在英賢終不老滄洲

謝公幽履樂山林出為蒼生改素心初試詳刑三考績偶來興會
一披襟拂衣今日情聊適補袞他年望正深
浙水人民胥春忘驟歌盈耳操南音

李進士文湘字昭素昭武先生弟也順治辛丑進士未仕早卒

沈聞喜光瑀字禹玉號念劬布政一中曾孫崇禎壬午舉人東江
官行人本朝知聞喜縣念劬列于南湖諸子而集不傳

柳亭菴小集得盆字

郭外修然數畝園結成蘭若柳高拱定應有路通龍窟却訝無人
悟寶旆秋盡郊原偏氣爽月高林壑正陰繁携朋箕踞楓林下醉
向田家老瓦盆

徐魚臺之鶴字維鳴孫鷺一大理寺卿時進從子也以前孝廉知
魚臺縣

俞孝廉額湄字

前崇禎十五年舉人也

張薛卿應麟字振仲以前孝廉仕

章博士一奎字星聚以前孝廉官國博

董鄆陵允懌字容亦一字蘧齋順治丁酉舉人知古田縣重修朱子溪山書院捐貲置田延宿儒講學古田有錢忠介公墓親為致祭斬蓬藿而封之惠民有異政以父老乞養六年服闋知鄆陵縣有築城功一縣皆祀名宦著有晚香樓集吾鄉近日有知古田者其祖于忠介為中表兄弟親在其幕府即其父亦嘗在忠介軍予嘗問以曾至忠介墓否茫然不答及問以溪山書院之興替益張目而視如此奴才亦復濫在士大夫之列可按劍也

古田行

古田景物稱幽好疊翠環峯卷插早溪山講席喜重開桃李盈、覆瑤草千家紅麴釀村醪杼織粗麻冬亦袍地瘠山深多逋賦不勞瓜及解征旄三年跋涉亦辛苦村、樹幟迎官府近聞遍地賦

哀鴻豈其隔歲分今古我今辭祿及陽回且喜彈冠志未灰遙望
江南春色麗相期花發共啣杯

壬午邸署秋日偶題

簿官因依幾十霜
髮絲冉、織成蒼官書未了難投筆詩韻初枯
漫舉觴樂歲歡歌釋穗衰年周甲誠行藏多情相憶還相慰拙
吏無勞挂此腸

每羨淵明歸去來
侯門稚子幾徘徊敢忘恩遇耽泉石為逼年華
乞草萊泪水多情難忍置龍山招隱莫相猜風霜高潔饒清韻記
取臨岐酒一杯

黃孝廉洪輝字岳青順治丁酉舉人

陳檢討弘績字

周都司在魚字瑞符康熙甲辰右科進士江南徐州衛掌印守備
遷江西都司前太常莊頑菴壻也著有蒸徐拙艸子廷篴孫兆
雲俱登右科曾孫甬厓樂清縣訓導

訪燕子樓

尚有人尋燕子樓不因紅粉憶風流十年春燕心難搏一夕秋霜
志已酬青渚幾多迷故址白楊何處吊荒丘自從盼、全歸後
使彭城望柏州

思親

恍惚雲堆見碧顏生前不事死何攀即今雖有丁蘭志空望遼陽
鶴再還

嚴灘

獨有嚴陵一釣鉤
清風高節冠千秋
富山春色依然在
長吐烟雲送客舟

續耆舊卷九十一

南湖秋水社三趙之一

趙明經嗣賢字人選一字鶴樵公子琦徵子也兄弟三人並負詩才而先生得名最早高都御史斗樞深器之先生為宗伯公外孫是時先贈侍御非堂公以詩法傳諸甥是為周文長儒及先生兄弟一時藝林以先生兄弟比三洪以長孺比師川而吾家儀部兄弟角立其間無日不以倡酬為事予猶及見宗伯來鶴山莊四壁皆諸公題句亦一時之盛也先生自丙戌後守節不欲應有司之誠累遭世患屢勉後出然終困于諸生晚年以明經負太學張文蒼嶼為秋水之集先生兄弟狎主其盟及予選詩趙氏中表零落且盡求先生集與其兄弟俱不可得柴生可安以先生居鄒草四卷來始自壬子至乙卯四年已而又得其

丁亥至庚子四年殘集厯劫餘灰未足以盡其所造也

荅陸無文

我同李白過任城君向江東羨步兵酒罷每貪花底睡詩成還旁
月中行初春索笑梅千樹半夜相思雁一羣欲聽行西謠吹好定
携團扇待重賡

南內宮詞

向曾徧覽有游宮小記

獨有薰南向北開殿門涼蔭守宮槐翠華寂寞歸何處白日悲風
輦路來

甃石周遭一丈深中藏二十七池金高樓鈇檻原無恙血染青蚨
不可尋

東西三十六宮中南面龍床射日紅聞道逍遙游輦入兩邊吹滅
絳紗籠

龍池藻行黑龍、白玉欄干四面齊不識鬼門何道出潛鱗疑在御溝西

劫火光中寶玉銷縱橫西棟永全消紫檀方底蒼梨匣盡使民間憶麗譙

建文時大內火起殿中皆珍木也命發

之為玩器

玲瓏岩下五鬚松長聽經教雜梵鐘高后禪心能不散枝頭甘露至今濃

荷花繞徧紫金城八月東風細、生左右腋門常不啟年、蓮子大如嬰

櫻桃花

春、絲、夾翠烟桃花盛放淡且妍借問如何減顏色雨苦更苦春風顛美人憔悴亦若此安忍扳折簪花鈿屋角班鳩相對喚逐隊鼓翅花零亂可惜花開花落中拋擲春光竟無算寄語名花緩

緩開一花爛熳一啣盃輕寒輕煖佳時節約伴看花次第來

詩餘

御街行 輓姜給事如農

先生丙戌來于越吾廬殿、聊休息淒涼國家訐餘生賜譴猶餘
膚髮渡江還喜地乾淨收泪瞻宮闕 山搖海沸驚倏忽身已摧
魂弥汨飄零吳市荷戈自辨敬亭舊卒丹心不死白簡長寒折理
香骨

先生兄弟詩最為蜚菴退山柳堂三丈以賞頌其景叟不甚往
還不知何故既垂老不遇嘗作六十自敘詩云嘆惜風雲中夜
舞支吾門戶半生窮又曰樹有龍鱗還未老門無鳳德已徒衰
可為神傷生平篇什幾過萬首十九化為野馬則又旁之旁矣
果堂錄著舊詩最有意于布衣不遇之士而同輩如先生者從不

輩如先生者從不
出之類舍何哉

趙明經嗣貲字人憲一字懋菴公子琦徵次子也其伯兄嗣賢齊名或問二人高下錢文寒灰曰伯子竟當稱長老也而高文隱學曰阿憲大是倔强由是卒不能定其資格先生亦累獻藝不售以明經貢太學以著詩數年輒為一編予未見其足本柴生可安以其鳩巢集出鳴集秦游草三種來尚係隱學其先儀部公點定之本僅六卷耳當博訪以補之

佛手柑

別有名柑異洞庭垂、如手落枝青漫擬靈橘生秦地空說優曇在佛經鉤弋舒拳香自放金莖覆掌露俱傾化身散作祇園果指點人間鼻觀醒

將進酒

將進酒新甞之醴十千一斗玄石司釀伯倫扣岳從事在前督郵

在後道達畢即呼其為友崑崙之暢三十斛絳色如丹氣芬郁歷
城蓮葉大如箕葉碧筒吸餘逃三伏六升臣核出青田注水成釀
不費錢蜀主桃仁傍兩肩高會盛漿供歡宴此生名飲天縱吾逢
麴流涎便欲鋪安得五齊溢九鼎終朝耳熱歌烏、酤顏拂袖學
雖鶴蘭缺缸卜夜歸來扶阮公自得養生術欣然大飲甘兵厨酤
酤如泥六十日大將軍乃寢厥園願為三載酒泉人上疏固請罷
權酤膏田萬頃秫糟邱百里都督谷千餘間舉國賜大酤吁嗟乎
霜柑木落巨螯尚無葡萄不到越鄞筒何處沽歸而謀婦且盡床
頭之一壺

斋居偶成

小橋流水自西東隔岸人家隔塢中雨後乱鴉添鼓吹雲間殘電
隱豈隆敝衣朽履逢迎少寂坐高眠夢覺空孤負床边千甕滿幾

孟蕉葉似坡公

量晴較雨愧無能
日抱陳編感廢興
悶倚野塘看撒網
閒隨小艇問栽菱
好花易落風何惡
野鳥常來樹不憎
月到清和農務急
龍頭垂麥半侵塍